

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01-_____/24

**ZAPISNIK
S DRUGE SJEDNICE
GRADSKOG VIJEĆA ZENICA
održane 16. decembra 2024. godine**

decembar, 2024. godine

Zapisnik s 2. sjednice Gradskog vijeća Zenica,
održane 16. 12. 2024. godine

Sjednica je počela s radom u 10.07 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica.

Nakon uvodnog pozdrava predsjedavajuća Vijeća konstatovala je da sjednici prisustvuje 27 vijećnika čime su se stekli uslovi za punovažno odlučivanje. Odsustvo s današnje sjednice najavila je vijećnica Emina Babić, dok je kašnjenje na sjednicu najavio vijećnik Elvis Alijagić.

Prije prelaska na utvrđivanje dnevnog reda vijećnik Halil Garanović je položio svečanu zakletvu, čime je stekao prava i dužnosti vijećnika u Gradskom vijeću Zenica.

Za 2. sjednicu Gradskog vijeća predložen je i s 27 glasova „ZA“, bez glasova „PROTIV“ i „UZDRŽAN“ usvojen sljedeći

DNEVNI RED:

1. a) Zapisnik sa 49. sjednice Gradskog vijeća Zenica, održane 25. 9. 2024. godine
b) Zapisnik s konstituirajuće sjednice Gradskog vijeća Zenica, održane 4. 12. 2024. godine
2. Izvještaj o izvršenju Budžeta Grada Zenica za period I-IX 2024. godine
3. Preispitivanje zakonitosti odluke Gradskog vijeća Zenica
4. Odluka o organizaciji službi Grada Zenica
5. Zahtjev Privrednog društva „ASTRA-ŠPED“ d.o.o. Zenica
6. a) Aktuelno stanje JU Apoteka „Zdravlje“ Zenica
b) Informacija o realizaciji Zaključka Gradskog vijeća broj: 01-45-4195/24 od 26.02.2024. godine sa prijedlogom modela reorganizacije i finansijske konsolidacije

Nije bilo prijedloga za dopunu prijedloga dnevnog reda, a i izvještaji komisija Vijeća dostavljeni su pred sjednicu.

Tačka 1. a) Zapisnik sa 49. sjednice Gradskog vijeća Zenica, održane 25. 9. 2024. godine
b) Zapisnik s konstituirajuće sjednice Gradskog vijeća Zenica, održane 4. 12. 2024. godine

Zapisnici sa 49. i konstituirajuće sjednice Gradskog vijeća Zenica usvojeni su bez primjedbi s 27 glasova „ZA“, bez glasova „PROTIV“ i „UZDRŽAN“.

Tačka 2. Izvještaj o izvršenju Budžeta Grada Zenica za period I-IX 2024. godine

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

U raspravi o ovoj tački dnevnog reda niko nije učestvovao.

Vijeće je sa 17 glasova „ZA“, bez glasova „PROTIV“ i 9 glasova „UZDRŽAN“ usvojilo Izvještaj o izvršenju Budžeta Grada Zenica za period I-IX 2024. godine.

Tačka 3. Preispitivanje zakonitosti odluke Gradskog vijeća Zenica

U uvodnim napomenama za ovu tačku dnevnog reda Almira Baručija Kapidžić, sekretar Gradskog vijeća Zenica pojasnila je da je Gradonačelnik Grada Zenica u skladu sa svojim zakonskim i statutarnim ovlaštenjima u zakonskom roku podnio zahtjev za preispitivanje zakonitosti Odluke o načinu ustupanja na upravljanje i korištenje objekata i zemljišta kompleksa Kantonalne bolnice Zenica, koju je Gradsko vijeće donijelo na svojoj 49. sjednici održanoj 25. 9. 2024. godine, iz razloga što prilikom razmatranja i donošenja iste odluke nisu

ispoštovane sve obavezne zakonske procedure, odnosno nije pribavljeno mišljenje gradskog pravobranioca koje je obavezno prilikom donošenja odluka koje se tiču sticanja ili otuđenja, odnosno raspolaganja nekretninama u vlasništvu Grada Zenica, što ovu odluku čini nezakonitom.

U raspravi o ovoj tački dnevnog reda učestvovali su vijećnici: Malik Ejubović, Amra Mehmedić, Nermin Mehić, Ernad Bešlagić, Amel Šišić, Halil Garanović, Denan Pašalić, Namir Škaljo, Faruk Hodžić i Sead Bolić. U raspravi su učestvovali Fuad Kasumović, Gradonačelnik Grada Zenica, Lejla Brljevac, pomoćnica Gradonačelnika za urbanizam i Selver Keleštura, sekretar Gradske uprave, dajući pojašnjenja.

Na zahtjev Kluba vijećnika SDA predsjedavajuća Vijeća je u 11.30 sati dala pauzu u trajanju od pet minuta, pa je sjednica nastavila s radom u 11.40 sati.

Vijećnici su se najprije izjasnili glasanjem o prijedlogu Kluba vijećnika SDA da se donese zaključak o pripremi prijedloga odluke u skladu sa zakonom i ostalim propisima i pod istim uslovima, prvenstveno misleći na uslov iz čl. 2. prethodne odluke, koji će se zbog opšteg značaja odluke što prije naći na dnevnom redu sjednice Gradskog vijeća Zenica. Predsjedavajuća Vijeća je konstatovala da navedeni prijedlog Kluba vijećnika SDA nije usvojen s 11 glasova „ZA“, bez glasova „PROTIV“ i 16 glasova „UZDRŽAN“.

Vijećnici su zatim s 18 glasova „ZA“, bez glasova „PROTIV“ i 10 glasova „UZDRŽAN“ donijeli Odluku o stavljanju van snage Odluke o načinu povjeravanja na upravljanje i korištenje zemljišta i objekata kompleksa Kantonalne bolnice Zenica.

Tačka 4. Odluka o organizaciji službi Grada Zenica

Fuad Kasumović, Gradonačelnik Grada Zenica dao je kraće uvodne napomene za ovu tačku dnevnog reda, a zatim, u svojstvu predlagачa odluke, izmijenio dostavljeni prijedlog Odluke o organizaciji službi Grada Zenica kako glasi: „Mijenja se član 17. tačka 1. Prijedloga Odluke, tako što ista umjesto: „Služba kabineta Gradonačelnika“, ubuduće glasi: „Stručna služba Gradskog vijeća i Gradonačelnika“, nakon čega slijedi tačka 2. koja glasi: „Služba za internu reviziju“ i tačka 3. koja glasi: „Služba za zajedničke poslove“ te se tačka 4. briše.

Mijenja se član 18. Prijedloga Odluke, tako što isti umjesto: „Služba kabineta Gradonačelnika vrši sljedeće poslove“, ubuduće glasi: „Stručna služba Gradskog vijeća i Gradonačelnika vrši sljedeće poslove“ pa se poslovi iz člana 19. Prijedloga Odluke objedinjavaju s poslovima iz člana 18.

Nakon ove izmjene, član 19. ubuduće glasi: „Služba za internu reviziju vrši sljedeće poslove“ i tako redom sve do člana 25. koji se briše, jer njegov sadržaj zbog učinjenih izmjena postaje član 24.“

U raspravi o ovoj tački dnevnog reda učestvovali su vijećnici Mirza Husetić, zamjenik predsjedavajuće Vijeća i Ernad Bešlagić. Mirza Husetić predložio je da se u čl. 13. st. (2) i (5) prijedloga odluke, koji se odnose na profesionalnu vatrogasnu jedinicu i njene nadležnosti, izvrši korekcija i navedu nadležnosti PVJ utvrđene Zakonom o zaštiti od požara i vatrogastvu ZDK iz 2011. godine, s obzirom da su u prijedlogu odluke pobrojane nadležnosti PVJ iz ranijeg zakona. Gradonačelnik je prihvatio navedeni prijedlog za izmjenu prijedloga odluke.

Po zaključenju diskusije vijećnici su s 22 glasa „ZA“, bez glasova „PROTIV“ i 6 glasova „UZDRŽAN“ usvojili Prijedlog Odluke o organizaciji službi Grada Zenica sa izmjenama.

Tačka 5. Zahtjev Privrednog društva „ASTRA-ŠPED“ d.o.o. Zenica

Nije bilo potrebe za uvodnim napomenama.

U raspravi niko nije učestvovao.

Vijećnici su s 28 glasova „ZA“, bez glasova „PROTIV“ i „UZDRŽAN“ donijeli Zaključak o stavljanju van snage Zaključka Gradskog vijeća Zenica o davanju saglasnosti na zaključenje kupoprodajnog ugovora sa Privrednim društvom „ASTRA-ŠPED“ d.o.o. Zenica broj: 01-45-14715/24 od 22. 4. 2024. godine.

Tačka 6. a) Aktuelno stanje JU „Apoteka Zdravlje“ Zenica

b) Informacija o realizaciji Zaključka Gradskog vijeća broj: 01-45-4195/24 od 26.02.2024. godine sa prijedlogom modela reorganizacije i finansijske konsolidacije

Predsjedavajuća Vijeća je prije uvodnih napomena za ovu tačku dnevnog reda dala pauzu u 12.10 sati u trajanju od 10 minuta radi dolaska na sjednicu predstavnika dobavljača JU „Apoteka Zdravlje“ Zenica, pa je sjednica nastavila s radom u 12.27 sati.

Uvodne napomene dao je Selver Keleštura, sekretar Gradske uprave.

U raspravi o ovoj tački dnevnog reda učestvovali su vijećnici: Malik Ejubović, Amel Šišić, Almir Dračo, Denan Pašalić, Namir Škaljo, Semir Huseinović, Halil Garanović, Sedina Omeragić, Nermin Mehić i Elvis Alijagić. U raspravi su učestvovali Mirsada Strika, direktorica JU „Apoteka Zdravlje“ Zenica, Edin Hebibović, direktor „TUZLA-FARM“ d.o.o. Tuzla i Selver Keleštura, sekretar Gradske uprave, dajući pojašnjenja.

U 14.03 sati predsjedavajuća Vijeća je dala pauzu u trajanju od 15 minuta radi formulisanja zajedničkog zaključka klubova vijećnika za ovu tačku dnevnog reda, pa je sjednica nastavila s radom u 14.24 sati.

Nakon pauze Vijeće je s 25 glasova „ZA“, bez glasova „PROTIV“ i „UZDRŽAN“ donijelo sljedeći zaključak:

I

Zadužuje se postojeći Stručni tim da do izrade Nacrta Budžeta Grada Zenica Gradskom vijeću dostave detaljnu finansijsku analizu svih ponuđenih modela rješenja koji su predloženi u Informaciji o realizaciji Zaključka Gradskog vijeća broj: 01-45-4195/24 od 26. 2. 2024. godine s prijedlogom modela reorganizacije i finansijske konsolidacije JU „Apoteka Zdravlje“ Zenica od 28. 6. 2024. godine, kako bi se Gradsko vijeće opredijelilo za jedan od ponuđenih modela.

II

Ovaj zaključak stupa na snagu danom donošenja.

Vijeće se zatim izjasnilo glasanjem o tački dnevnog reda i istu usvojilo s 25 glasova „ZA“, bez glasova „PROTIV“ i „UZDRŽAN“.

Sjednica Gradskog vijeća je zaključena i završila s radom u 14.48 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

Zapisničar:
Jasenska Hadžić

PREDSJEDAVAJUĆA
GRADSKOG VIJEĆA
Snježana Vrhovac